

23  
*Quod Summus dierum temporumq;  
Stator approbet!*

PROBLEMA HISTORICUM  
De  
**PLANETARIA**  
**DIERUM DE-**  
**NOMINATIONE,**

Amplissimæ Facultatis Philosophicæ  
in

*Academia Lipsiensi,*

indultu,

publicæ Censuræ proponet.

*P R Æ S E S*

**M. JOHANNES MOEBIUS,**  
Martisburgensis, S. S. Theol.  
Cultor,

*RESPONDENTE*

**STEPHANO DUBRAVIO,**  
Zakoltzâ Hung.

Philos. Baccal. & SS. Theol. Stud.

*ad diem 1. Junii*

Anni labentis M DC LXXXVII.

---

*L I P S I Æ,*

Recusa Typis & sumptibus Colerianis.

37.



58700(23)

APR 22 1961





Onaturis aliquid nobis in præfenti  
(quod feliciter evenire jubeat De-  
us!) de dierum denominatione à  
Planetis ducta, ipfi ftatim rei, femo-  
tis verborum ambagibus, manum  
libet admove- re, hanc dicturis legem in hoc labore  
nobis, ut fciſſo in tria capita argumento, primo  
quidem confideremus Autores, ſecundo funda-  
mentum, & tertio denominationis hujus morali-  
tatem. Chriſte fave coëptis!

## C A P U T I.

DE

# DENOMINATIONIS HUIJUS AUTORIBUS.

§. I.

**O**Miſſis aliis dierum diviſionibus, quæ parum ſerviunt  
inſtituto noſtro, & peti poſſunt partim ex *Macro-  
bii Saturnal. libr. I. cap. 16. p. m. 263. ſeqq.* partim è *Scaligeri  
Emendat. Temporum libr. I. fol. m. 6. & 7.* nos eam ſolùm hùc  
advocamus, qua dies alius dicitur eſſe naturalis, alius civilis.  
Naturalem cum *Strauchio Brexiar. Chronolog. cap. 4. p. m. 52.*  
dicimus illud temporis ſpatium, quod ab exortu Solis uſq;  
ad occaſum decurrit, noctè continuò ſuccedente. Civilem  
verò cum eodem, vocamus ſpatium temporis, quod fit uno



cœli circuitu, atque adeo noctem diei naturali contradiſtinctam ſimul complectitur, Græcis *νοχήμερον* item *ήμερονύκτιον* appellatum. Id tamen adhuc cum eodem ex loco citato placet indicare, quod circa id diviſionis genus diſcrepent Chronologi ab Aſtronomis. Quem enim diem vocant naturalem Chronologi, hic artificialis audit Aſtronomis; viſſim quem civilem illi appellitant, naturalem ſalutant Aſtronomi. Jam dicimus, dierum nomine hoc loco non nobis venire naturales, Chronologis ſic dictos, verum qui ab ipsis nuncupantur civiles. Cauſam hanc aſſignamus, quia ſingulos Planetas Ægyptii præfecerunt ſingulis horis tam diurnis quam nocturnis, per §. 3. cap. 2. ut fruſtra ſit omnino, qui in hoc negotio noctem cuperet ſejungere à die. Verbo; integrum *νοχήμερον* noſtrum, cui invigilabimus, ſibi depoſcit diſſerendi genus. Nec putamus fore ullum, cui obſcurum ſit diſſertationis noſtræ objectum. Cuivis etenim, vel ſilentibus nobis, inculcat titulus, de eo conſtitutum nobis diſpicere denominandi modo, quo diem quemlibet peculiari Planetæ nomine ſolemus inſignire, & vocare primum, diem Solis, ſecundum, diem Lunæ, tertium Martis, quartum Mercurii, quintum Jovis, ſextum Veneris, & ſeptimum Saturni. Hæc nobis ad alia tendentibus circa explicationem terminorum poſſunt ſufficere in præſens. Ad rem ipſam nunc accedendum.

§. 2. Origo hujus denominationis unde ſit arceſſenda, ultro citroque inter eruditos diſceptatur. Hermetem Ægyptium illius autorem profitetur Philaſtrius, allegatus *Seldenno de Jure Naturæ & Gentium ſecundum diſciplinam Hebræorum lib. 3. cap. 19. p. m. 423.* Ptolomæum Mathematicum ſibi eligit *Hospinianus de Origine Feſtorum libr. 2. cap. 5. fol. m. 47.* cum quo in fine capitis ſecundi congrediemur. Sabæis tranſcribit hanc laudem Said Vaheb, Arabs, citatus *Hottin-gero Hiſtor. Orient. lib. 1. cap. 8. p. m. 267.* cui quoque ſubſcribit *Hoornbeeck Summæ Controvers. lib. 10. p. m. 748.* Verum Arabis



Arabis illius testimonio nos Herodoti & Dionis Cassii, qui jam in medium prodibunt, auctoritatem putamus antefere-  
rendam.

§. 3. Rectius hujus denominationis gloria vindica-  
tur Ægyptiis, cui rei omnino fidem facit, Par Histori-  
corum non contemnendum Herodotus & Dio Cassi-  
us. Ac Herodotus quidem *lib. 2.* qui inscribitur Eu-  
terpe *f. m. 134.* hæc commemorat nobis: Καὶ τὰδε ἄλ-  
λα Αἰγυπτίοισι ἐστὶ ἐξ Ἑλληνῶν, μείς τε καὶ ἡμέρη ἐκάστη θεῶν ὅτεν ἐστὶ,  
*alia sunt insuper ab Ægyptiis excogitata, quis mensis diesve*  
*cujus deorum sit.* Dionis Cassii verò *Hist. Rom. lib. 36. fol.*  
*m. 37.* hæc sunt verba: τὸ δὲ δὴ ἐς τὰς πλανήτας ὠνομασμένους τὰς  
ἡμέρας ἀνακείσθαι κατέστη μὲν ὑπὸ Αἰγυπτίων, πάρεσι δὲ καὶ ἐπὶ πάντας  
ἀνθρώπους ἐπαύλαι ποτὶ ὡς λόγῳ εἰπεῖν, ἀρξάμενον, οἱ γὰρ δεχάιοι ἑλ-  
ληνες ἔδαμῃ αὐτοῖς (ὅσα γὰρ ἐμὲ εἰδέναι) ἠπίσαντο, *quod autem dies ad*  
*septem sidera illa, quos Planetas appellarunt, referuntur, id ab*  
*Ægyptiis, ut paucis dicam, institutum ad omnes homines haud*  
*ita dudum dimanavit.* Nam priscis Græcis, quantum mihi  
constat, notus is mos non fuit. Addit his calculum Marsha-  
mus *Canon. Chron. secul. 9. p. m. 179.* Nec abest Seldenus *Jur.*  
*Nat. & Gent. lib. 3. cap. 19. p. m. 433. qui & cap. 20. f. 424.* aper-  
tè tradit ab Ægyptiis postea hoc institutum accepisse Græ-  
cos & Romanos.

§. 4. Neq; tamen existimare oportet, id solum memo-  
rari, cujus Ægyptii autores extiterunt, inventum: imò  
verò plura alia commemorantur. Τὰδε ἄλλα Αἰγυπτίοισι ἐστὶ  
ἐξ Ἑλληνῶν μείς τε καὶ ἡμέρη ἐκάστη θεῶν ὅτεν ἐστὶ καὶ τῇ ἐκάστῃ ἡμέρῃ  
ἡμέρη, ὅτεοισι ἐγκυρήσῃ, καὶ ὅπως τελευτήσῃ καὶ ὁπότε ἔσται, *alia*  
*insuper sunt ab Ægyptiis excogitata, quis mensis diesve* *cujus*  
*deorum sit, & quo quis die genitus, qualia sortiturus, & quam*  
*mortem obiturus, & qualis extiturus,* ait Herodotus *loc. cit.*  
Et *lib. eod. f. m. 101.* ὅσα δὲ ἀνθρωπεία πρήγματα, ἃ δὲ ἔλεγον ὁμολο-  
γούντες σφίσι πρῶτος Αἰγυπτίος ἀνθρώπων ἀπάντων ἐξ Ἑλλήνων τὸν ἐνιαυ-  
τὸν, δωδέκα μέρηα διασάμενος τῶν ὥρεων ἐς αὐτὸν, *quæ autem hu-*  
*manarum rerum sunt, hæc ita referebant inter se constare: o-*



*annuum hominum primos Ægyptios annum comperisse, distin-*  
*guentes eum in duodecim temporum menses. Quò faciunt &*  
*verba Macrobiani Saturnal. lib. 1. cap. 12. p. m. 242. anni certus*  
*modus apud solos semper Ægyptios fuit. Porro de aliis, quæ in-*  
*stituerit horum hominum solertia, ita pergit differere Hero-*  
*dotus paucis verbis à superioribus interjectis, lib. & fol. citt.*  
*δωδεκά τε θεῶν ἐπωνυμίας ἔλεγον πρώτους Αἰγυπτίους νομίσαι, καὶ Ἕλληνας*  
*ὡσαύτῃ σφέων ἀναλαβεῖν. βωμὸς τε καὶ ἀγάλματ' αἰὲν καὶ νηὶς θεοῖσι δ' ὑπονέμειναι*  
*σφέας πρώτους, καὶ ζῶα ἐν λίθοις ἐγγλύψαι, Ægyptios quoque pri-*  
*mos, dicebant, duodecim deorum cognomina in usu habuisse, &*  
*ab illis Græcos fuisse mutuatos. Item primos diis & aras & si-*  
*mulacra & delubra statuisse: quin etiam animalia in saxis*  
*sculpsisse. Tantum de Ægyptiorum repertis; quas tamen*  
*relationes promiscuè omnes pari fide acceptare nolim, ma-*  
*xime illam de anno, quem Ægyptios ab Hebræis, ut ple-*  
*raque alia edoctos, nullâ eget probatione.*

## CAPUT II.

### DE DENOMINATIONIS HUIUS FUNDAMENTO.

§. I.

**S**Cimus autores. Fundamentum hujus denominationis  
 nobis jam perquirendum. Triplex oculis nostris subji-  
 ciunt celebrium autorum scripta, quorum primum de-  
 sumptum à quodam Musicæ genere, secundum à Planeta-  
 rum regimine in horas, tertium & ultimum à dignitate  
 Solis & Lunæ, ac ordinata alternatione (ut loqui amant)  
 Planetarum reliquorum inter se invicem. De quolibet,  
 ordine.

§. 2. De primo audiendus Dio Cassius *Hist. Rom. libr.*  
*36. fol. m. 38. ἡκιστα δὲ δύο λόγους, ἅλως μὲν ὁ χαλεπὸς γνωθῆναι,*  
*θεωρίας πρὸς ἐχομίας. Εἰ γάρ τις τὴν ἀρμονίαν τὴν Ἀφ' ὑποστάσεων κα-*  
λαμβάνῃ



λαμβάνειν (ἥπερ πρὶν καὶ τὸ κῦρ' αὐτῆς μουσικῆς συνέχεν πεπύσθαι) ἔστι δὲ  
 τὰς ἀστέρων τέτταρες, ὅφ' ὧν ὁ πᾶς τῶν ἄστρον κόσμος διείληπται, καὶ τὴν  
 τάξιν, καθ' ἣν ἕκαστος αὐτῶν περιπορεύεται, ἐπαγάγοι, καὶ δεξάμενος  
 ὑπὸ τῆς ἐξω περιφορᾶς τῆς τοῦ Κρόνου διδομένης, ἑπειτα Διαλιπὼν δύο τὰς  
 ἐχομένας τὸν τῆς τετάρτης δεσπότην ὀνομάσει· καὶ μετ' αὐτὸν δύο αὐ-  
 τέρως ὑπερβαῖς ἐπὶ τὴν ἐβδόμην ἀφίκοιτο· καὶ τῶν αὐτῶν τέττα τρέπων αὐ-  
 τὸς τε ἔφαινον ἐπιὼν, καὶ τὰς ἐφόρους θεὰς ἀνακυκλῶν ἐπιλέγοι ταῖς ἡμέ-  
 ραις· εὐρήσῃ πάσας αὐτὰς μουσικῶς πῶς τῇ ἑξ ἄστρον Διακοσμήσῃ περὶ  
 κῆσας. Εἰς μὲν δὴ ὅτως λέγεται λόγῳ, *audivi vero duos de hac re*  
*sermones haud ita difficiles cognitu, contemplatione tamen*  
*quadam nitentes. Nam si quis harmoniam eam, quae diates-*  
*saron vocatur (quae alioquin in Musica primas obtinere credi-*  
*tur) etiam ad isthaec sidera, quibus omnis caeli ornatus constat,*  
*ita transferat, quemadmodum ordo conversionis uniuscujusq;*  
*eorum exigit, factoque ab extremo ambitu, quem Saturno tri-*  
*buunt, initio, dein proxime sequentes duos motus praeteriens,*  
*quarti dominum recenseat: iterumq; ab eo, duobus proximis*  
*praeteritis ad septimam conversionem deveniat: atq; hoc modo*  
*diebus singulis eorum inspectores gubernatoresq; deos in orbem*  
*rediens deligat assignetq;: is inveniet, omnes dies musica qua-*  
*dam ratione caelesti administrationi congruere. Atq; hac pri-*  
*or fertur ratio.*

§. 3. Alterum fundamentum æquè ac prius ἐκ Διὸς  
 hauriendum, *loc. cit.* sic pergente: ἔπειτα δὲ ὁδε. τὰς ὥρας τῆς  
 ἡμέρας καὶ τῆς νυκτὸς ὑπὸ τῆς πρώτης δεξάμενος δεξιμεῖν, καὶ ἐκείνην  
 μὲν τῶν Κρόνου διδόν, τὴν δὲ ἑπειτα τῶν Διὸς, καὶ τρίτην Ἀφρῆ, τετάρτην Ἡλίου,  
 πέμπτην Ἀφροδίτῃ, ἕκτην Ἑρμῇ, καὶ ἐβδόμην Σελήνῃ, καὶ τὴν τάξιν τῶν κύ-  
 κλων, καθ' ἣν οἱ Αἰγύπτιοι τοιαύτην νομίζουσιν, καὶ τέττα καὶ αὐτὴς ποιήσας  
 πάσας γὰρ ὅτως τὰς τέσσαρας καὶ εἰκοσιν ὥρας περιελθὼν, εὐρήσεις τὴν πρώ-  
 την τῆς ἐπιτάξεως ἡμέρας ὥραν εἰς τὸν ἥλιον ἀφικνεύμενην· καὶ τέττα ἔστι ἐπ'  
 ἐκείνων τῶν τεσσάρων καὶ εἰκοσιν ὥρῶν καὶ τὸν αὐτὸν τοῖς προέθεν λόγον  
 περὶ τῆς Σελήνης τὴν πρώτην τῆς τρίτης ἡμέρας ὥραν ἀναθήσεις, ἔστι δὲ  
 καὶ τῶν λοιπῶν περὶ τὸν περὶ τὸν αὐτὸν ἑαυτῇ θεὸν ἐκάστη ἡμέρα λήψε-  
 ται, *altera (ratio) haec est. Horas tam noctis quam diei nume-*  
*ra, à prima incipiens, eamq; Saturno tribue, sequentem Jovi,*  
*tertiam Marti, quartam Soli, quintam Veneri, Mercurio sex-*  
*tam,*



tam, septimam Lunæ, secundum ordinem orbium, quem eo, quo perhibui, modo Ægyptii tradunt: hocq; aliquoties factò, ubi per viginti quatuor horas circumiveris, primam subsequentis diei horam invenies Soli obtingere. Jam si hujus quoque diei horas viginti quatuor eodem modo tractes, ad Lunam referes primam tertiæ diei horam; siq; eodem modo reliquos etiam dies percurreris, quævis dies sibi congruentem deum accipiet. Ex quibus verbis primò intelligimus, hebdomadem dierum, quæ jam inde à Mose ad hæc usque tempora nostra est propagata, innotuisse quoque Ægyptiis. Nam id nî fuisset quomodo restringere potuissent ad septem sidera dies, si fuissent vel plures vel pauciores. Deinde discimus ex his Dionis verbis ordinem orbium Planetarum, quo usi Ægyptii, per illa: *secundum ordinem orbium, quem eo, quo perhibui, modo Ægyptii tradunt.* Porro cognoscimus ordinem dierum Veteribus usitatum, hunc nempe, quod sit primus dies Saturni, cum diem Solis Dio vocet ἡμέραν Ἑπίδωρον, & diem Lunæ τρίτην ἡμέραν, ex quibus conficitur, diem primum non alium fuisse, quàm quem suo nomine occupat Saturnus. Tandem & ipsius hujus fundamenti ex his cognoscimus rationem, in eo sitam, quòd numerandæ sint nobis horæ tam nocturnæ quàm diurnæ, & incipiendum à prima, atque hæc tribuenda Saturno, &c. quæ quidem ratio tam est evidens, ut evidentius esse nil queat. Deflectunt tamen ab hac recentiorum aliqui, & ex eo, quòd dies Solis sequenti tempore habitus sit primus, hujus diei primæ horæ deferunt Solem, præmissis his quatuor, Sole, Venere, Mercurio & Luna, reliquis tribus, Saturno, Jovi & Marti; die Saturni cum sua revolutione Planetarum per quatuor viginti horas, ad ultimam lineam rejecto. Vide *Strauchii Brev. Chron. cap. 2. quæst. II. p. m. 39.* Quæ ratio, dummodo ne confundatur cum illa Ægyptiorum, quod tamen nobis videtur uni alterive in hoc negotio accidisse, juxta omninò est, nec temerè improbanda. Nam postquam

Solis



Solis dies, dudum publico instituto cœpit haberi dies septimanæ primus, jûs fasq; est, ut tenaciter illi inhæreamus, & ne latum quidem unguem, quod ajunt, ab eo recedamus. Optandum autem fuisset, ut Dio etiam significasset nobis, quodnam apud Ægyptios principium computationis fuerit diei datum. Nam discrepantes hac de re constat esse sententias Plinius *Hist. Nat. lib. 2. cap. 77. p. m. 88.* Ægyptii, inquit, à *media nocte in mediam* (diem computant). Alexander ab Alexandro *Genial. Dierum l. 4. c. 20. f. m. 573.* pervulgatum fere est, (inquit) Ægyptios & Athenienses diem à Solis occasu facere, & ad alterum occidentem terminare: ita ut quod spatii inter duplicem occasum fuit, integrum diem putarent. Rursus alios affirmare, ab ortu Solis dies suos auspiciatos esse Ægyptios, tradit *Strauch. Breviar. Chronol. cap. 4. quæst. 12. p. m. 63.* qui & eo loco, non deesse argumenta, dicit, quibus probabile reddi queat, à meridie auspiciatos esse dies suos, Ægyptios. Defectum hunc interim, quô laborat Dio hâc in parte, resarsit nobis grata aliorum memoriâ dignorum narratione. Sed in viam.

§. 4. Tertio & ultimo fundamento delectatur Beda, quod *Marshamus in Canone Chronico p. m. 197.* approbat & recenset his verbis: *in denominatione dierum non is est Planetarum ordo, qui in orbium cœlestium serie. Cujus rei causas alii alias excogitarunt. Bedæ nostratis ratio quo simplicior, eo est melior. Gentiles (inquit) quasi jure primam diem Soli, quia maximum est luminare, secundam Lunæ, quia secundum luminare est, se consecrare putabant. Dein ordinata alternatione tertiæ diei primam à Sole stellam (Martem), quartæ primam à Luna (Mercurium), quintæ secundam à Sole (Jovem), sextæ secundam à Luna (Venerem), septimæ tertiam à Sole (Saturnum), præponebant. Huic subjungam opinionem Seldeni, quia ut ipse fatetur, non multum abest ab ea, cui addictus Beda, sententia. Ita verò ille *Jur. Nat. & Gent.**



libr. 3. cap. 21. p. m. 445. quod vero ad Planetariae denominationis ordinis rationem seu causam primariam spectat, sane mihi nondum persuasum est, aut à proportionem Musica, aut ab horarum praefecturis hujusmodi ordinem manasse, sed à simpliciiori multo origine, eaq; quidem alternationi illi, de qua loquitur Beda, proximante. Nimirum advertendum est inter Planetas seu in Heptazono longe primariam obtinuisse semper dignitatem Solem & Lunam &c. Et pag. 446. & 447. telam quam inchoaverat, hoc modo pertexit: cum igitur tam insignis habitata sit semper, idq; merito, utriusque dignitas ac praecellentia, diesq; inde hebdomadis primus Soli velut siderum plane Regi summo, & ob dignitatem secundam, secundus Lunae esset assignandus, videtur quidem intervalum, non dico magnitudinis seu spatii, sed numeri, quo bini hi Planetae primarii in Heptazono invicem disjungerentur, velut prototypum fuisse ceteris in Heptazoni cyclo sequentibus. Adeo ut quemadmodum & quoniam Luna Solem binis intermediis, nempe Venere & Mercurio praetermissis, in hebdomadicae denominationis initio sequebatur, ita etiam atq; ideo parili in revertente Heptazoni cyclo, intervallo numeri distaret tertius à Luna. Unde tertium diem sortitus est Mars, & simili semper intervallo dies suos reliquit quatuor.

§. 5. Hoc est triplex illud fundamentum denominationis hujus dierum, de qua stetit nobis disquirendi consilium. Jam si dicendum nobis (omninò autem dicendum) quid de sententiis istis statui oportere existimemus, fanè non aliter possumus, quam ut ambas illas, quæ arriserunt Aegyptiis (nam utramque ab his promanare, puto jam sufficienter probatum è Dione §. 3. & 3. cap. 1.) dicamus infirmas. Cur ita sentiamus, edemus causam brevissimis. Spirat primum illud fundamentum, ad quod ductu harmoniae Ἀρμονικῶν delapsos Aegyptios scribit Dio, suave somnium de motu coeli Musico, supponens orbem solidos quos statuisse in coelo ve-



lo veteres, notissimum est. Confer Gassendum *Institut. Astron. l. 3. c. 12. p. m. 168.* (eo loco & annotantem, confregisse illos & deturbasse ex æthere, maximè Tychonem Braheum.) Invenisse quidem hunc motum quondam vindicem Pythagoram, memoriæ prodidit Censorinus *de die natali. c. 13. p. m. 56. & 57.* tantoperè hoc oblectatum, ut & suum systema cœli exinde construeret, de quo copiosè Ricciolus *Almagest. lib. 3. cap. 6. fol. m. 101. & lib. 9. sect. 3. cap. 2. f. m. 277.* verùm annuere Philosopho Samio quis cordatus aufit? Ταῦτα δὲ ἐμμελῶς μὲν λέγεται καὶ μουσικῶς ἀδύνατον δὲ, τῶν ἔχειν τὸν τρέπον, concinnè quidem musicèque hæc dicuntur: at fieri nequit, ut res ita se habeat, iudicio ipsius Aristotelis *lib. 2. de Cœlo, cap. 9. textu 52.* ubi totus est in ea opinione refellenda. Nec benignius sentire oportet de altero, quod ita horas dividit inter Planetas, ut prodeat usitata nobis denominatio, fundamento. Hic series Planetarum claudicat, cui denominationem Prisci illi inædificarunt. Habet quod desideret in hoc ordine nostra ætas, longè accuratius perscrutata cœli machinam, quàm omnes vetusti hujus ordinis conditores. Contra *Astronomicas rationes supponitur, Venerem & Mercurium Sole semper inferiores esse, Martem superiorem, quæ omnia infelicioris seculi somnia fuerunt, cujus gnome: post Sim Sum sequitur, ultima luna subest; ait, Strauchius Brev. Chronol. c. 2. quæst. 11. p. 38.* Consule & ejus *Astrognos. sect. 1. aph. 210. & 211. p. m. 155. & 156.* Nihil ergò contra placita hodierna obtinebunt antiqui illi inventores; cedere coguntur, infirmis oppidò apparentibus, quæ pepererunt nobis, inventis. Si quis tamen curiosus sit, circa hujus ultimi antiquitatem, nec interim cupiat refecare ad vivum ejus robur, saltem optet, ut paulò clarius pernoscere sibi contingat veterum Ægyptiorum excogitata, ei secundùm ductum Dionis Casii è §. 3. in adjecto diagrammate ponemus præter oculos.



# HORÆ.

	1.	2.	3.	4.	5.	6.	7.	8.	9.	10.	11.	12.	13.	14.	15.	16.	17.	18.	19.	20.	21.	22.	23.	24.
I.	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂
II.	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀
III.	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂
IV.	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀
V.	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂
VI.	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀	♀
VII.	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂	♂

§. 6. De cætero quod attinet tertium fundamentum, à Beda nobis suggestum, & approbatum à Marshamo, sic fatis quidem ingeniosè excogitatum illud videtur, sed ab Ægyptiis profectum non esse, facile agnoscat, qui modò advertat, è Dione, primum diem ad justum Planetarum ordinem, quem illi constituerunt, fuisse exactum, nec diem illum Soli, sed Saturno dicatum, clare patere. Ac conatur quidem Marshamus aliquam ipsi adstruere prærogativam intuitu cæterorum, eò melius id esse affirmans §. 4. quò simplicius; sed ratione infirma. Nam hæc consequentia cum elidi possit instantiis prope innumeris, punctum omne mihi latura non videtur. Quicquid interim sit de hac Marshami consequentia, illud in aprico est, Seldenum §. 4. ut suam, quam Bedæ affinem pronunciat sententiam, placuisse denominationis hujus repertoribus, persuadeat, lectori, frustra omnino laborare. Quod ut ostendatur, res nobis repetenda est paulò altius. Ex Herodoto & Dione Cassio supra demonstratum luculenter, denominationis hujus originem imputandam venire Ægyptiis: quam sententiam ut certam, neque ullis obnoxiam dubiis tenemus. Nec adversatur hîc nobis Seldenus, favet potius per ea, quæ dicta §. 3. cap. 1. Verum hac posita assertione, jam porrò videre



dere nos par est, quid circa hanc rem definiverint Ægyptii inventores. Atque id ex monumentis antiquis pariter & idoneis petendum: est enim quæstio facti, non ex ingenio nostro, uti aliæ, quas subministrat prima Philosophia, sed ex historia veteri tantum depromenda. Ergo quid visum fuerit Ægyptiis de re præsentī, id sanè suā auctoritate Seldenus, ab omni priscæ historiæ consensu nudus, nulla ex parte revelabit nobis, benè verò Historicorum veterum aliquis fide dignus. Ecquis autem fide dignior hoc loco Dione Cassio, in quo, quod culpet, non invenit Vossius *de Historicis Græcis lib. 2. c. 15. p. m. 237. & 238.* illo excepto, quod virus suum quadam mentis intemperie abreptus, ejaculetur in Ciceronem & Brutum, Cassiumq; & L. Senecam, viros optimos & præstantissimos. Exquisitè laudat hunc scriptorem Fridericus Tilemannus, citatus *Hankio de rer. Roman. script. l. 1. part. 1. c. 20. p. m. 128.* plerosque eum scriptores longo post se intervallo reliquisse dictitans; nec non *Bodinus Method. Histor. c. 4. p. m. 83. & 84.* citatus eidem *p. 126.* inter optimos scriptores hunc referendum censens, id tamen adhuc præter illud, quod objecerat Vossius, ipsi exprobrans, quod cum olim in bello immani Marco Antonino Imperatori cum Quadis gesto, Romanis militibus angustiis locorum clausis, & nimio ardore Solis sitiq; pressis, multæ nubes derepente ita cogerentur, ut largus imber deflueret non modo, sed & grando vehemens ac dira fulmina obruerent hostes, intacta Romanorum turba, hæc ille insolita Arnulpho, Mago Ægyptiaco *libr. 91. f. m. 805.* vendicaverit, christianorum militum precibus adscribenda, Romano exercitui aggregatorum, ut legio eorum propterea *νεφεληφόροι* & diceretur. Consule Tertullian. *Apologet. cap. 5. f. m. 697.* Eusebii *Hist. Eccles. lib. 5. cap. 5. f. m. 169.* Xiphilinum *lib. Dionis 71. f. m. 805. & 806.* aliosque. Verum his non obstantibus sua Dioni auctoritas durabit perpetuò.



Nam si scriptor statim efficaciam in probando perdere sit dicendus, quamprimum ei aut hæreat vitium, aut obrepit lapsus, Deus bone! multi jam, optimi alias commatis Historici inutiles fuissent redditi. Quare causa non est, cur Dioni hoc loco diffidamus, cum præsertim tam claris tam apertis circumstantiis rem nobis enunciet, quibus clariores vix poterant afferri. Ut jam alia incommoda, quæ hanc ejus sententiam urgent, & ex superius dictis intelligi possunt, non adducamus. Firmandæ interim sententiæ nostræ ergò, adducemus verba Celeberrimi *Vossii in ejus Theologia Gentili lib. 2. c. 34. p. m. 489.* sic sonantia: *verius alii, qui geminam causam attulerunt. Una earum est, quod Aegyptii rationem habuerint harmoniæ ἡ ἑπτάφων. Nam quasi tetrachorda septem in cælo statuerunt: quo pacto primum tetrachordum erit à Saturno ad Solem, alterum à Sole ad Lunam, tertium à Luna ad Martem, quartum à Marte ad Mercurium, quintum à Mercurio ad Jovem, sextum à Jove ad Venerem. Altera ratio est ista: singulis diei horis præfectus est unus è septem sideribus memoratis. Quod si primæ horæ primi diei Sol præest, secundæ Venus, tertiæ Mercurius, quartæ Luna, quintæ Saturnus, sextæ Jupiter, septimæ Mars, octavæ Sol, & ita porro; omnino proximæ diei primæ horæ præsit Luna, tertiæ Mars, quartæ Mercurius, ac ita deinceps. Refert has duas causas Dio Coccejus lib. XXXII. item in ejus epitome Johannes Xiphilinus. Ubi tamen fateor, posteriora, quæ profert hîc Vossius, à relatione Dionis Cocceji nonnihil deviare, utut in subsidium vocetur ejus autoritas. Nam primus dies, uti ex Dione non obscure patescit, fuit Priscis dies Saturni. Inde ab hoc, secundum ordinem orbium Planetarum, quem nobis Dio tradit, factâ prius revolutione Planetarum per quatuor viginti horas, demum ad diem Solis, qui ipsis secundus fuit, sunt progressi. Vide §. 3. Quando autem Vossius ait, singulis diei horis præfectum esse unum è septem*

ptem



ptem erronibus, dubio procul intellexit diem civilem, cuius dedimus descriptionem §. 1. c. 1. cum Dio signatè dicat, τὰς ὥρας τῆς ἡμέρας καὶ τῆς νυκτὸς ἀπὸ τῆς πρώτης δεκάτης & δεκάτης &c. per §. sæpius cit. imò neglecto hoc, & assumpto altero diei genere, nullo modo id inde evenire posset, ut primæ horæ secundi à Sole diei Luna obtingeret, ceu patet. Ut autem eò revertamur, unde sumus digressi, satis, nî fallimur, clarè elucet ex his Vossii verbis, illos, qui ab his, quæ Dio tradit fundamentis, traxisse originem autumant isthanc denominationem, verissimè utique sentire.

§. 7. Possemus jam properare ad caput tertium, nisi negotium nobis adhuc facesset Hospinianus, hætenus dictis supra quàm dici potest, adversus, cuius verba sunt audienda: Sic verò telam suam orditur *de orig. Festor. l. 2. c. 5. f. m. 46. & 47. similiter nec dies hebdomadæ ante tempora Ptolomæi nominibus Planetarum eo ordine, ut hodie distincti fuerunt, sed nominati solum à numero, quo se invicem in mense sequebantur. Id hæc ratione probo: veteres Astrologi ante Ptolomæum statuerunt Solem immediatè supra Lunam, sic ut illis Saturnus esset primus, secundus Jupiter, tertius Mars, deinde Venus, posteam Mercurius, inde Sol, ultima Luna. Juxta hunc ordinem dies septimanæ sic debuissent disponi, à supremo Planeta incipiendo, ut primus esset Saturni, secundus Veneris, tertius Lunæ, quartus Martis, deinde dies Solis, post quem dies Jovis, ultimo loco dies Mercurii. Sed hic ordo neq; hodie, neq; olim observatus fuit. Verùm hîc vehementer optaremus, ut significasset Hospinianus nobis autores, qui de Astronomis omnibus Ptolomæo antiquioribus, hujusmodi aliquid referrent. Nam ex Riccioli *Almagest. l. 3. c. 6. f. m. 101. & l. 9. sect. 3. c. 2. f. m. 277.* didicimus, Pythagoricum systema cœli fuisse ita comparatum, ut curioso scrutatori à terra exorso, orbium Planetarum ordo nasceretur ejusmodi: Luna, Mercurius, Venus, Sol, Mars, Jupiter, Satur-*



Saturnus. Est hic ipse ordo, qui placuit Ægyptiis, per  
§. 3. Jam verò Pythagoram antiquiorem fuisse Ptolomæo,  
cum sit in concessio apud omnes, non putamus prolixâ pro-  
batione indigere. Quod verò universaliter loquatur Ho-  
spinianus de omnibus Astronomis Ptolomæi tempora an-  
tegressis, contextus verborum docet Lectorem. Adhæc  
nihil vidissemus libentius, quàm ut perspicuis & claris ver-  
bis aperuisset nobis fundamentum, ita disponendi dies se-  
ptimanæ, juxta eum, quem antiquiores Astronomos in-  
vexisse scribit orbium ordinem, ut ordo ille alter inde pro-  
veniat, quem nectit. Pergit: *Ptolomæus autem posuit So-  
lem in medio Planetarum, quorum ordo ab eo conscriptus hic  
est: Saturnus, Jupiter, Mars, Sol, Venus, Mercurius, Luna.  
Juxta hunc demum ordinem dies septimana à Saturno incipi-  
endo sic possunt disponi & computari, ut primus sit dies Satur-  
ni, quem sequi debet dies Solis, & hunc dies Lunæ, Martis,  
Mercurii, Jovis, Veneris. Et hic est ordo, qui olim observa-  
tus fuit, ut adhuc hodie.* Sed hîc perperam primò hujus or-  
dinis Planetarum, quem recenset, autorem primum con-  
stituit Ptolomæum, cum ætas Ptolomæo superior hunc fre-  
quentârit, vel ipso Ptolomæo teste, qui *Almagest. lib. 9. cap.  
1. f. m. 89, edit. lat. priscorum ordinem* appellat. Deinde si  
de omnibus in universum populis velit intellecta, quæ de  
illius usurpatione moris dicit, ut primus sit septimanæ dies  
Saturni, absentimus. Nobis enim Christianis primus est  
dies Solis, quod vel lippis & tonsoribus notum. Tandem  
neceffe erat, doceri Lectorem modum, ita dies secundum  
hunc Planetarum ordinem disponendi, ut surgant hoc or-  
dine Planetæ, quo se invicem sequuntur in hodierna deno-  
minatione dierum. Nam dicere audemus, illa quæ facit,  
verba vix ulli lectorum satisfactura. Instat: *occasionem si-  
ne dubio Chaldaei dederunt, qui cuilibet horæ diei Planetam  
gubernatorem attribuerunt; inde enim posteriores diem to-*  
tum



tum à primæ diei horæ gubernatore & præside denomina-  
runt, quo observato proveniet ordo à Ptolomæo constitutus.  
Si enim diei noctisq; horas à prima statim cæperis numerare,  
sic ut primam Saturno, sequentem Jovi, tertiam Marti, quar-  
tam Soli, quintam Veneri, sextam Mercurio, septimam Lu-  
næ tribuas, per eam scilicet orbium seriem, quæ à Ptolomæo  
tradita fuit, atq; idem denuo facias, donec horas 24. pertran-  
seas, invenies primam sequentis diei horam Soli assignatam:  
tum hoc idem in 24. horis illis eadem qua prius ratione si fa-  
cias, Lunæ primam terciæ diei horam conciliabis: quod si  
subinde hoc ipsum in cæteris observabis, congruentem plane  
Deum sibi dies quilibet adsciverit. Hæc posteriora sunt,  
verba Dionis latinè versâ, quibus cur abusus fuerit autor  
ad asserendam Ptolomæo aliquam gloriam, id verò mi-  
rum alicui videri possit. Sed res ipsa inspicienda. Nam  
si ita est comparata hæc denominatio, uti eam hoc loco  
tradit Hospinianus, quorsum attinebat, suprà in pericope  
prima tam inutilem serere copiam verborum? Verùm  
nec hic probat expectationem, quam de se concitaverat  
librorum de Festis autor. Chaldæos dicit primos cuilibet  
horæ diei Planetam rectorem dedisse, sed quæ dicta nullo  
sanè alicujus Historici testimonio fulcit. Ptolomæum di-  
cit instituisse, quam acceptam referre oportebat Ægy-  
ptiis denominationem dierum. Eundem, ait, introduxis-  
se allatam seriem orbium Planetarum, quam ut se anti-  
quiorem sibi ipsi abjudicat Ptolomæus, per ea, quæ dicta  
pericope præcedente. Multa dicit, pauca probat, quid  
mirum, si pauca ipsi credamus? Hîc adsint oportet Scri-  
ptorum fide dignorum testimonia, quæ cum absint, quid  
habet magnoperè, quo gloriari possit Hospinianus? Tan-  
dem verò telam hoc modo absolvit: intelligit ergo Lector,  
ante Ptolomæum dies hebdomadæ per nomina Planetarum  
non fuisse distinctos. Confirmari posse nostram sententiam quo-  
que



que Dionis testimonio arbitror, qui vixit sub Alexandro Severo circa annos Christi 225. Is enim lib. 7. § 30. hac de re ita scribit: nam quod his, inquit, septem stellis, quæ Planetæ vocantur, dies assignari receptum est, inventum quidem putatur Ægyptiacum: sed in omnes tamen homines haud ita pridem vulgari coeptum. Cæterum Græci veteres, quantum equidem sciam, nullo prorsus eam rem pacto cognitam habuerunt. Singula verba diligenter perpende. Distinctionem dierum per nomina Planetarum non ipse affirmat, multo minus probat inventum esse Ægyptiacum antiquum, sed haberi saltem dicit: si quid certi ea de re ei in promptu fuisset, procul dubio assignasset. Deinde negat veteres Græcos eam rem aliquo pacto cognitam habuisse. Tertio dicit, hoc inventum non ita pridem ante tempora sua in vulgus sparsum fuisse: floruit autem Dio annos 90, post Ptolomæum sub Alexandro Severo. Hic digna obelo rursus congerit Autor, & examini accuratiori omnino subjicienda. Nam hem! quid hoc est, quod allegat librum septimum, & post hunc trigessimum, cum librorum à Dione relictorum primus in codice appareat nobis trigessimus quintus, nec is tamen integer, sed sola quædam ejus fragmenta, reliqui triginta quatuor in universum omnes injuria temporis interciderint. Jam locus, qui ex Dione affertur, nec integer est, nec menti Dionis satis congruus. Auscultemus Dionem lingua loquentem sua §. 3. cap. hujus disp. 2. τὸ δὲ δὴ ἐς τὰς ἐπὶ τὰς πλανήτας ὀνόμασθαι τὰς ἡμέρας ἀνακείσθαι κατὰ τὴν Αἰγυπτίων, ait l. cit. An κατὰ τὴν idem est, quod habetur? An non affirmat quæ profert? Quinimo non affirmat tantum §. cit. sed & in verbis seqq. manifestissime probat, quæ tamen hic repeti non est necesse. Negat porro Hospinianus, certi aliquid fuisse in promptu Dioni hac de re, negat certi aliquid consignasse. Imò verò fuit aliquid certi ipsi in promptu, assignavit etiam §. cit. Porro non dicit Dio,



Dio, quod Hospinianus, in vulgus dimanasse hoc institutum, sed *ἐν παντὶ ἀνθρώποις*, in omnes homines. Quod verò neget Græcis veteribus hâc de re aliquid constituisse, quod non ita pridem ante sua tempora ad omnes homines hoc institutum pervenisse affirmet, non incommodat nostræ sententiæ, non juvat sententiam Hospiniani. Quæ enim consequentia : Dio negat, Græcis veteribus hunc ritum fuisse exploratum, asseverat, non ita pridem omnibus hominibus usu receptum; ergò autor hujus denominationis est Ptolomæus. Sic enim colligere satagit Hospinianus, dum sub initium hujus pericopes ait: *confirmari posse nostram sententiam quoq; Dionis testimonio arbitror*. Ego verò non arbitror, qui sciam, tantum adversari Hospiniano Dionem, ut quod videtur librorum de festis auctori, inde nec admotis fidiculis possit exsculpi. Suas ergò res sibi habeat Hospinianus, nec amplius turbet animi nostri sensa.

### CAPUT III.

DE

## DENOMINATIONIS HUIUS MORALITATE.

§. I.

**P**ostquam igitur cum aliis populis & Christianis placuit, ut septimanas suas ordirentur à die Solis, factum est, ut ordo dierum Ægyptiis quondam usitatus paululum turbaretur, & Solis dies primum consequeretur locum, Saturni ultimum, salva interim denominatione ipsa. De cujus moralitate restat ut exponamus, & num ejus usus sit omni penitus crimine exemptus, spectemus brevissimis.



§. 2. Brovvnistæ, sic dicti à Brovvnio, Ludimagistro primùm Southvvarkiæ, dein Pastore Islingtoni prope Londinum, (qui, ut istud hoc loco ὡς ὁδὸς παρρηγῶν inspergam ex *Hornii Histor. Eccles. period. 3. art. p. m. 531.* cum frequenter pulsaret uxorem suam, reprehensus propterea, respondisse fertur, se non verberare eam ut uxorem suam, verùm ut nefariam & maledictam vetulam) uti singularia multa tuentur placita, quæ ἀνεργητῶς percenset *Alexander Rossæus von der gangen Welt Religionen sect. 12. p. m. 458. & 459.* ita & obliquis oculis limarunt hanc dierum denominationem, docente *Hoornbeek Sum. Controvers. Rel. lib. 10. p. m. 746. seqq.* qui & eo loco circa hanc rem favet Brovvnistis, optatque ipse, ut loco taxatæ substituat appellation aliqua melior, quò cum *Polydoro Vergilio de rer. Invent. lib. 6. cap. 5. p. m. 493.* etiam propendet *Ursinus Analect. sacr. lib. 6. anal. 2. p. m. 330. & 331.*

§. 3. In Ecclesia veteri duplex potissimùm obtinebat dies denominandi modus, uti ex secuturis Patrũ locis perspicitur. Priorem constituebat à Planetis derivata denominatio. *Tertullianus in Apologet. c. 16. f. m. 709. deniq; inde suspicio, quod innotuerit nos ad orientis regionem precari. Sed & plerique vestrum affectatione aliquando & cœlestia adorandi ad Solis ortum labia vibratis. Æquè si diem Solis letitiæ indulgemus, alia longe ratione quam religione Solis, secundo loco ab eis sumus, qui diem Saturni otio & victui decernunt, exorbitantes & ipsi à Judaico more, quem ignorant.* Huc refer quoque Augustini verba ex integro ejus loco infra, mox adducenda: *qui Mercurii dies dicitur à Paganis & à multis Christianis.* Alia aliorum Patrum loca, ut *Justini Martyris & Clementis Alexandrini* producit *Hoornbeek lib. cit. p. 749.* Altero modo ad numerum feriarum digerebant dies, vocantes hanc vel illam feriam. *Augustinus in præfat. ad Ps. 93. tom. 8. Opp. fol. m. 714. quare ergo talem*



*talem habet titulum (Psal.93.) in quarta sabbathi? Una sabbathi dies dominicus est, secunda sabbathi secunda feria, quem Seculares diem Lunæ vocant. Tertia sabbathi tertia feria, quem diem illi Martis vocant. Quarta ergo sabbathorum, quarta feria, qui Mercurii dies dicitur à Paganis & à multis Christianis, sed nolumus ut dicant, atque utinam corrigantur, ut non dicant. Circa quæ loca Patrum observatione nobis opus est Hoornbeekii, distingventis lib. cit. p. 749. inter denominationem Ecclesiasticam, & profanam seu vulgarem, significaturi, priorem appellandi consuetudinem usu profano, posteriorem usu Ecclesiastico valuisse.*

§.4. Possemus his, nisi à proposito nostro foret alienum, aliquid intexere hoc loco, de mutatione denominationis mensium nostrorum. Constat enim ex historia Romana, unum alterumve ex his in Cæsarum, qui id imperabant, vel permittebant, nomina commutatum. Suetonius in vita Neronis cap 55. *multis rebus ac locis vetere appellatione detracta novam induxit ex suo nomine: mensē quoq; Aprilem Neronēum appellavit. Idem in Caligula cap. 15. in memoriam patris, Septembrem mensem Germanicum appellavit. Idem Suetonius in Domitiano cap. 13. post autem duos triumphos Germanici cognomine assumpto, Septembrem mensem & Octobrem, ex appellationibus suis, Germanicum Domitianumq; transnominavit: quod altero suscepisset imperium, altero natus esset. Tiberium tamen paulo aliter factitassu, idem est testis in vita ejus cap. 26. intercessit, & quominus in acta sua juraretur: & ne mensis September Tiberius, October Livius vocarentur. Ex adverso de Commodi adulatoribus hæc narrat Ælius Lampridius in ejus vita c. XI. menses quoq; in honorem ejus pro Augusto Commodum, pro Septembri Herculem, pro Octobri Invictum,*



sanè intempestiva illa & necessitatis causa à quibusdam  
novatoribus requisita mutatio, deficeret.

Verùm finis etiam imponendus labori. Bonam De-  
am implorabant Romani, si quid boni cuperent destina-  
re: nos persolutis Bono Deo pro ea, quam nobis huc us-  
que adspiravit, benignitate, gratiis, eundem, ut &  
imposterum cœpta nostra fortunet,  
precamur.

